

18.06.2020թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 429710/07
ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով 18.06.2020թ. թիվ 2063 վարչական իրավախախտման վերաբերյալ արձանագրությունը և կից նյութերը,

ՊԱՐԶԵՑԻ

ԵՂՎԱՐԴԻ «ԲԱՐԵԿԱՐԳՈՒՄ ԵՎ ԲՆԱԿՖՈՆԴ» ՀՈԱԿ-ի տնօրեն Վարազդատ Վարդանյանը (ՀՎՀՀ 03524178, հասցե՝ Պ. Սևակի 1, 19) ՀՀ Հարկային օրենսգրքի 156-րդ հոդվածի 5-րդ մասով սահմանված ժամկետում չի ներկայացրել 2019 թվականի ֆիզիկական անձանց եկամուտների և եկամտային հարկի մասին տեղեկությունները, որի համար նախատեսվում է պատասխանատվություն մատչելի իրավախախտումների վերաբերյալ ՀՀ օրենսգրքի 170⁶ հոդվածով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը չի ներկայացրել: Գործում առարկություն կամ բացատրություն առկա չէ:

ՀՀ ՊԵԿ տեղեկատվական համակարգում առկա տվյալների ուսումնասիրությունից պարզվել է, որ Վարազդատ Վարդանյանի կողմից 2019 թվականի ֆիզիկական անձանց եկամուտների և եկամտային հարկի մասին տեղեկությունները 18.06.2020 թվականի դրությամբ ներկայացված է, ինչպես նաև ֆիզիկական անձանց վճարված եկամուտները արտացոլվել են 2019 թվականի եկամտային հարկի ամսական հաշվարկների մեջ և դրանցից առաջացած հարկի գումարները վճարվել են օրենքով սահմանված ժամկետում:

Արարքը նախատեսված է Վարչական իրավախախտումների վերաբերյալ ՀՀ օրենսգրքի 170⁶ հոդվածով, սակայն հաշվի առնելով այն հանգամանքը, որ վերջինիս կողմից արված քայլերը իրավախախտումը ունի նվազ նշանակություն, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 21 հոդվածով, 32-րդ հոդվածի 2-րդ մասով, 244² հոդվածով, 282 հոդվածի 1-ին մասի 2-րդ կետով՝

ՈՐՈՇԵՑԻ

1. Համաձայն Վարչական իրավախախտումների վերաբերյալ ՀՀ օրենսգրքի 21 հոդվածի, Վարազդատ Վարդանյանին ազատել վարչական պատասխանատվությունից և հայտարարել բանավոր դիտողություն:

2. Վարազդատ Վարդանյանի նկատմամբ հարուցված վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ